



Republika e Kosovës
Republika Kosova-Republic of Kosovo
Komuna e Prishtinës
Pristina Obstina-Municipality of Pristina



SEKTORI I PROKURIMIT - KABINETI I KRYETARIT

Bazuar në nenin 108/A paragrafi 10 nënparagrafi 10.2 të Ligjit nr. 04/L-042 për Prokurimin Publik lidhur me nenin 60 të Ligjit nr. 05/L-068 për ndryshimin dhe plotësimin e Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin nr. 04/L-237 dhe me ligjin nr. 05/L-092, si dhe duke u bazuar në nenin 61.3. lidhur me nenin 62 paragrafi 62.1 nënparagrafi d) si dhe nenin 63 paragrafi 63.1 nënparagrafi 63.1.1 të Rregullores (A01) nr. 001/2022 për Prokurimin Publik, duke vendosur sipas kërkesës për rishqyrtim të operatorit ekonomik "RRON 2019" Sh.P.K. të datës 28.02.2024 kundër njoftimit mbi vendimin e datës 23.02.2024 lidhur me aktivitetin e prokurimit me titull "Furnizim me pelet" me nr. të prokurimit 616-23-6338-1-1-1, Komuna e Prishtinës (autoriteti kontraktues) përmes zyrtarit përgjegjës të prokurimit nxjerr këtë:

V E N D I M

- I. **REFUZOHET si e pabazuar** kërkesa për rishqyrtim e operatorit ekonomik "RRON 2019" Sh.P.K. e datës 28.02.2024 kundër njoftimit mbi vendimin e datës 23.02.2024 lidhur me aktivitetin e prokurimit me titull "Furnizim me pelet" me nr. të prokurimit 616-23-6338-1-1-1.
- II. **AUTORIZOHET** autoriteti kontraktues - Komuna e Prishtinës që të vazhdoj me aktivitetin e prokurimit të përcaktuar si në pikën I të këtij vendimi.
- III. **NJOFTOHET** operatori ekonomik "RRON 2019" Sh.P.K. si dhe të gjitha palët tjera të interesuara lidhur me këtë vendim përmes publikimit në platformën elektronike E-Prokurimi në adresën <https://e-prokurimi.rks-gov.net>.
- IV. Vendimi hyn në fuqi në ditën e nënshkrimit.

Arsyetim

Operatori ekonomik "RRON 2019" Sh.P.K. (tutje "parashtruesi") me datë 28.02.2024 ka paraqitur kërkesë për rishqyrtim kundër njoftimit mbi vendimin e datës 23.02.2024 lidhur me aktivitetin e prokurimit me titull "Furnizim me pelet" me nr. të prokurimit 616-23-6338-1-1-1.

Gjatë shqyrtimit paraprak të kërkesës për rishqyrtim të parashtruesit është gjetur se kërkesa është e lejuar dhe është parashtruar brenda afatit nga personi i autorizuar si dhe nuk ekzistojnë pengesa tjera për të shqyrtuar kërkesën e parashtruesit. Në këtë mënyrë janë plotësuar kushtet për të vazhduar me shqyrtimin meritor (*in meritum*) të kërkesës.

Pretendimet e parashtruesit janë si në vijim:

“Ne jemi eliminuar nga pjesëmarrja me këtë arsyetim të AK “Ju si OE-ik me ofertën tuaj nuk keni dorëzuar Deklaratën me shkrim për piken 3 të kërkesës ne DT, Kërkesat mbi mundësitë teknike dhe/ose profesionale neni 9.1 & 9.2 ku është kërkuar: 3. Operatori Ekonomik duhet të ofroj deklaratë me shkrim gjate ofertimit se posedon produktin e kërkuar prej 60% të sasisë në depon e tij. Dëshmia e Kërkuar: 3. Deklaratë me shkrim e vulosur dhe e nënshkruar se posedon produktin e kërkuar prej 60% të sasisë. Ju si OE-ik nuk keni dorëzuar fare deklaratën e kërkuar sipas kërkesave ne DT e qe keni vepruar ne kundërshtim me kërkesat e DT-së dhe njoftimit për kontrate. Për arsyet e cekura me lartë tenderi juaj është refuzuar dhe jeni eliminuar për këtë aktivitet te prokurimit”, kërkesë kjo e cila është larguar nga dosja e tenderit me publikimin e B54 Formulari standard per korrigjimin e gabimeve ne njoftimet e publikuara, të datës 11.07.2023. Nëse ju si ZPP në AK akoma pretendoni së një kriter i till ka qenë i vendosur në dosjen e tenderit, duhet t’i referohen formularit të lartë cekur nëse e përmban apo jo këtë kriter”.

Lidhur me pretendimet ankimore të parashtruesit, fillimisht duhet sqaruar se parashtruesi është eliminuar si tenderues i papërgjegjshëm nga ky aktivitet të prokurimit sipas arsyeve të evidentuara në letrën standarde për tenderuesin e eliminuar si në vijim:

Nuk i keni përmbushur kërkesat e Kapacitetit teknik dhe profesional

ARSYETIM

Tenderi juaj është refuzuar për këto arsye :

- Ju si OE-ik me ofertën tuaj nuk keni dorëzuar Deklaratën me shkrim për piken 3 të kërkesës ne DT, Kërkesat mbi mundësitë teknike dhe/ose profesionale neni 9.1 & 9.2 ku është kërkuar: 3. Operatori Ekonomik duhet të ofroj deklaratë me shkrim gjate ofertimit se posedon produktin e kërkuar prej 60% të sasisë në depon e tij. Dëshmia e Kërkuar: 3. Deklaratë me shkrim e vulosur dhe e nënshkruar se posedon produktin e kërkuar prej 60% të sasisë. Ju si OE-ik nuk keni dorëzuar fare deklaratën e kërkuar sipas kërkesave ne DT e qe keni vepruar ne kundërshtim me kërkesat e DT-së dhe njoftimit për kontrate. Për arsyet e cekura me lartë tenderi juaj është refuzuar dhe jeni eliminuar për këtë aktivitet te prokurimit.

Përmes dosjes së tenderit, kërkesa me nr. 3 lidhur me kapacitetin teknik dhe profesional është përcaktuar si në vijim:

3. Operatori Ekonomik duhet te ofroj deklaratë me shkrim gjate ofertimit se posedon produktin e kerkuar prej 60% të sasise ne depon e tij.

3. Deklaratë me shkrim e vulosur dhe e nenshkuar se posedon produktin e kerkuar prej 60% të sasise.

Nuk është aspak kontestues fakti se parashtruesja nuk e ka dorëzuar deklaratën e kërkuar si më sipër me dosjen e tenderit. Kjo konfirmohet edhe nga oferta e parashtrueses ku mund të shihet se nuk është dorëzuar deklarata për të cilën po bëhet fjalë. Fakti i vetëm

që kontestohet nga parashtruesja përmes pretendimit ankimor në këtë rast është se kjo kërkesë e cituar më sipër është larguar nga dosja e tenderit përmes B54 Formulari për Korrigjimin e Gabimeve në Njoftimet e Publikuara të datës 11.07.2023. Mirëpo ky pretendim si i tillë është në tërësi i pabazuar pasi që përmes formularit të datës 11.07.2023 nuk është larguar kërkesa e dosjes së tenderit për të cilën po bëhet fjalë. Më konkretisht përmes këtij formulari është ndryshuar një kërkesë krejt tjetër e dosjes së tenderit mirëpo nga cilido këndvështrim, kërkesa e cituar më sipër nuk është larguar asesi nga DT.

IV.2.2) Në njoftimin original <input type="checkbox"/>	Në dokumentet e tenderit <input type="checkbox"/>	Të dyja <input checked="" type="checkbox"/>
IV.2.3) Teksti i cili duhet të përmirësohet/shtohet në njoftimin original (nëse aplikohet)		
Vendi i tekstit i cili duhet të modifikohet:	Në vend të:	Është :
Kapaciteti teknik dhe profesional	1.Operatori duhet te ofroj dëshmi te mjaftueshme se ka	1.Operatori duhet te ofroj dëshmi te mjaftueshme se ka

	realizuar kontrata për furnizime të ngjashme (lende djegese) në tri vitet e fundit nga data e publikimit të këtij Njoftimi për Kontratë jo me pak se 400.000,00.	realizuar kontrata për furnizime të ngjashme në tri vitet e fundit nga data e publikimit të këtij Njoftimi për Kontratë jo me pak se 400.000,00.

Rrjedhimisht është konfirmuar se oferta e dorëzuar nga parashtruesja është ofertë e papërgjegjshme ndërsa arsyet e evidentuara në formularin standard për eliminin e parashtruesit janë arsye të sakta.

Vlen të ceket se parashtruesja në kërkesën e saj për rishqyrtim ka potencuar edhe ofertën e tenderuesit të rekomanduar për kontratë mirëpo nuk ka arritur që të formuloj ndonjë pretendim ankimor konkret në kuptim të nenit 60 par. 60.3 nënpar. f) dhe h) të RRPP ku përcaktohet se pretendimi ankimor përmes kërkesës për rishqyrtim duhet të përmbajë: "f. Përshkruan rrethanat faktike që përbejnë apo prodhojnë shkeljen e pretenduar; h. Përshkruan se si është shkaktuar shkelja e pretenduar, apo kërcënon të shkaktojë, dëm material parashtruesit të ankesës në rastet ku parashtruesi i ankesës përfshin një padi për kompensim".

Me fjalë të tjera parashtruesi nuk ka arritur që të formulojë ndonjë pretendim konkret kundër tenderuesit të rekomanduar. Megjithëse parashtruesi në kuptim të nenit 4 par. 1 nënpar. 26 të LPP, nuk është fare palë e interesuar në raport me tenderuesin e rekomanduar përderisa vet parashtruesi është tenderues i papërgjegjshëm.

Në këtë mënyrë është gjetur se parashtruesi nuk ka paraqitur argumente të qëndrueshme për të mbështetur pretendimin e tij. Njëkohësisht nga provat materiale të administruara është gjetur se pretendimi i parashtruesit është tërësisht i pabazuar. Prandaj kërkesa për rishqyrtim e parashtruesit është refuzuar si e pabazuar në tërësi.

Për pikën I dhe II të këtij vendimi është vendosur duke u bazuar në nenin 63 par. 63.1.1. nënparagrafin b) lidhur me nenin 62 par. 62.1. nënparagrafin d) të Rregullores nr. 001/2022 për Prokurimin Publik.

Për pikën III dhe IV të këtij vendimi është vendosur duke u bazuar në nenin 63 par. 63.2. të Rregullores nr. 001/2022 për Prokurimin Publik.

Bazuar në të thënat më sipër është vendosur si në dispozitiv të këtij aktvendimi.

Prishtinë, 06.03.2024



Ud. Udhëheqës i Sektorit të Prokurimit
Komuna e Prishtinës

Këshillë juridike:

Pala e pakënaqur me këtë vendim mund të paraqes ankesë pranë Organit Shqyrtues të Prokurimit brenda afatit prej dhjetë (10) ditëve pas pranimit të këtij vendimi.